

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ԲԱՐՁՐԱԳՈՒՅՆ ԿՐԹՈՒԹՅԱՆ  
ԵՐՐՈՐԴ ՄԱԿԱՐԴԱԿԻ ԿՐԹԱԿԱՆ ԾՐԱԳՐԵՐՈՎ ՇՆՈՐՀՎՈՂ ՈՐԱԿԱՎՈՐՈՒՄՆԵՐԸ  
ՀԱՎԱՍՏՈՂ ԴԻՊԼՈՄՆԵՐԻՆ (ԱՅԴ ԹՎՈՒՄ՝ ՀԱՄԱՏԵՂ ԿԱՄ ԿՐԿՆԱԿԻ  
ՈՐԱԿԱՎՈՐՄԱՆ) ԵՎ ՀԱՎԵԼՎԱԾԻՆ ՆԵՐԿԱՅԱՑՎՈՂ ՊԱՀԱՆՋՆԵՐԸ**

1. Գիտական աստիճանի դիպլոմը պետական փաստաթուղթ է, որը հավաստում է անձի գիտական աստիճանը, որը տրամադրվել է «Բարձրագույն կրթության և գիտության մասին» օրենքի, սույն կարգի և օրենսդրության, ինչպես նաև Հայաստանի Հանրապետության վավերացված միջազգային փաստաթղթերի համաձայն:

2. Դիպլոմին կից անձին տրամադրվում է նաև հավելված (ակադեմիական տեղեկանք), որում նշվում է տվյալ կրթական ծրագրի շրջանակներում անձի մասնակցած ակադեմիական մոդուլների և դասընթացների վերաբերյալ տեղեկատվությունը և դրանցից կուտակած կրեդիտները, ինչպես նաև ամփոփիչ ատեստավորման գնահատականը:

3. Հավելվածում տրամադրվում է նաև տեղեկատվություն լրացուցիչ դասընթացների, կրթական ծրագրի հավատարմագրված կամ նախահավատարմագրված լինելու, կրթության ձևի, հրամանագրման ամսաթվի և գիտական ղեկավարի, ինչպես նաև դիպլոմը ստացող անձի մասին:

4. Համատեղ իրականացվող ծրագրերի պարագայում դիպլոմում նշվում է բուհի և մասնակից կազմակերպության (բուհ, գիտական կազմակերպություն, մասնավոր ընկերություն) անվանումները, իսկ ակադեմիական տեղեկանքում նկարագրվում է համագործակցության էությունը և յուրաքանչյուր մասնակցի դերակատարումը:

5. Գիտական աստիճանի դիպլոմը և ակադեմիական տեղեկանքը պետք է հասանելի լինեն Հայաստանի Հանրապետության պաշտոնական փաստաթղթերի վավերականության ստուգման միասնական համակարգում (verify.e-gov.am):

6. Գիտական աստիճանը հավաստող դիպլոմը պետք է միարժեքորեն նույնականացվելի լինի անձի հետ՝ հանրային ծառայությունների համարանիշի միջոցով, կամ, օտարերկրա քաղաքացիների դեպքում՝ անձի քաղաքացիության երկրի կողմից տրամադրված նույնականացման փաստաթղթի միջոցով:

7. Գիտական աստիճանի և ակադեմիական տեղեկանքների բաշխման մատյանները

հասանելի են կրթության ոլորտում պետական լիազոր մարմինն, բարձրագույն կրթության և գիտության կոմիտեին և Կրթության տեսչական մարմնին՝ ամբողջությամբ, բուհին՝ իր մասով:

8. Մինչ սահմանված կարգով թվային դիպլոմների տրամադրումն անձի ստացած գիտական աստիճանի դիպլոմը կորցնելու դեպքում, անձը գրավոր դիմում է ներկայացնում Կոմիտե՝ կրկնօրինակ ստանալու համար: Դիմումի ստացումից 30 օրվա ընթացքում Կոմիտեն անվավեր է ճանաչում կորցրած դիպլոմը և հանձնում սահմանված ձևաչափով կրկնօրինակը՝ համապատասխան գրառմամբ:

9. Սույն կարգի ուժի մեջ մտնելուց առաջ տրամադրված գիտական աստիճանի դիպլոմները սահմանված ժամկետում թվայնացվելուց հետո՝ սույն կարգի 8-րդ մասի կարգավորումները չեն գործում, իսկ անձը կարող է ստանալ իր դիպլոմի թվային տարբերակի նույնականացման համարը՝ իր գրավոր դիմումի համաձայն: